



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四九五

小萬卷齋文藁二十四卷首一卷小萬卷齋詩藁三十二卷小萬卷齋詩續藁十二卷

附遺藁一卷小萬卷齋經進藁四卷（小萬卷齋詩續藁十二卷附遺藁一卷小萬

卷齋經進藁四卷）朱 琦撰

密齋文集不分卷 程同文撰

密齋詩存四卷 程同文撰

賜錦堂詩鈔八卷賜錦堂文鈔二卷 陳 珪撰

此君書樓詩鈔九卷 夏際唐撰

湖陰草堂遺藁四卷 金 蘭撰

證嚮齋詩集八卷 蔡鑾揚撰

思補齋詩集六卷 潘世恩撰

有真意齋文集二卷 潘世恩撰

一

一九一

二六三

三〇一

四〇五

五〇七

五四五

六二一

六九一

研秋齋詩畧一卷
研秋齋文畧一卷
附行述
劉彥矩撰

七五五

小萬卷齋詩續稿

光緒十有一年歲
在乙酉季秋重霖
嘉樹山房藏板

小萬卷齋詩續藁

小萬卷齋詩續藁目錄

卷一

古今體詩九十首 己丑

卷二

古今體詩六十八首 己丑

卷三

古今體詩七十八首 庚寅

卷四

古今體詩五十二首 庚寅

卷五

小萬卷齋詩續藁 目錄

古今體詩七十二首 辛卯

卷六

古今體詩一百六首 辛卯 壬辰

卷七

古今體詩七十九首 壬辰 癸巳

卷八

古今體詩七十五首 癸巳 甲午

卷九

古今體詩八十八首 乙未

卷十

古今體詩八十八首

丙申

卷十一

古今體詩八十六首

丁酉

卷十二

古今體詩六十七首

戊戌

卷末

遺業

古今體詩七十二首

己亥至戊申

小萬卷齋詩續彙

目錄

二

小萬卷齋詩續彙卷一

己丑

涇 朱珩 蘭坡

新春有述

靈威肇歲紐芽躔屏跡空山慶蕩平春立三元曾遇再
自有知識來元齒推六逸尚居先曾祖下幾六百丁廣
日立春已兩見序齒余現居第七廣
經異義期催就登集新詩擬續編幾度逢人輪甲子侵
尋又到我生年

上元日赴來青書屋望雪適諸子咸集遂同小飲酒後
作歌酬前雲巢見贈之篇

羣峯露骨方巉巖倒影忽入玻璃函穹蒼混茫未可辨

小萬卷齋詩續彙

卷一

一

下視鱗瓦皆空散吁嗟此景殊難得屈指頻年別鄉國
歸來息轍甘巖阿礪礪偏逢耿耿胸臆星橋火樹風光開
強起走歷松林隈平生躑躅恆自凜滑澁恐墮泥沙堆
書齋幸獲清淨地磊落朋儔後先至啟軒急與傾壺樽
何暇輕談及塵事雖然我欲酬酒詒山靈曩昔排闥蒙
垂青奚爲竟易青眼施白眼坐致田塍方罫迷縱橫又
慮無端駭怪嶺南犬倉皇吠噬遽向前村行山靈莞爾
笑汝勿增蘊結但學袁安守高節稜稜豈畏冰霜烈肅
氣以勵貞皜色以明潔陰霾見睨終應消謝賦浮華戒
饒舌驟聞是語心懔然无咎素履須凝堅世情升降那

能算亦如玉霽頤刻成推遷况復傳柑令序今朝遇爛
醉狂歌且休誤西風吹雲雲不住深宵雪月定爭輝共
過谿橋蹋蹬去

踰四日復大雪登閣觀之

松杉四面壓垂枝此是山樵沒選時高閣倚空雲不隔
遠峯藏密鳥難知寒威欲破瓊樓夢禁體終慳玉局詩
銀海照人吾豈眩朗開心鏡絕塵縉

幽蘭詞

叢蘭有本性託處清且幽騷人九畹勤好修初佩頗自
珍化茅可無憂胡然忽爲蒿艾妬欲使國香同此汗蟪

小萬卷齋詩續彙

卷一

二

蟪蛄蟻將成蠹蠹何累根未傷蒿艾久亦知孤芳吁嗟
蘭兮爾母失所恃宣尼琴聲猶在耳終當善葆深谷裏
風光常披露華洗免致黃蜂還螫爾

雨後廳事前獨坐

一雨洗山淨春陰猶半滋水深趨澗急烟重出檐遲瀟
俗每思古狷懷難入時蒼然老松樹未改昔年姿

偶患目疾下榻來青書屋得詩四首

覓得消憂地無塵且掩關園林追綠野几案落青山眼
苦攤書眩心耽種樹閒我身隨位置如向闕風攀
不藉寒梅伴翛然夢亦清坦衷忘感慨幽境費經營伐

木靜聞響催花新發萌斜陽暖初送益益更多情
問訊鶯啼未雙柑倘可攜濯蘭勤噴水栽藕細鋪泥守
默天機洽觀空物論齊桑麻獨闕慮曉起踏長隄

怪底春如許羣穉作笑容社前茶焙熟莊外麥抽濃此
際樂清曠同儕邀過從

時將約胡墨莊玉
鏞家西浦等聚此

簪鈴深夜夏

當聽石巖鐘

種花日有贈松栢二盆者補園中未備喜賦

攜鏡莪蒔得瑰條補入芳園景色饒念爾身卑棲培塿
逢人貌古詫僬僥綠天縮本濃如畫黃海靈根勁不凋
桃杏滿隄皆豔質可無矜式此風標

小萬卷齋詩續彙

卷一

三

目疾初愈蒙諸子存視與步坡谷間草色可觀成踏青
詞六首

側嶺橫坡別有村輕寒未退野雲昏東君早布萋萋綠
爲供幽人印屐痕

詩朋幾輩忽經過豔李穠桃問若何開逕不聞蜂蝶鬧
一般芳草惹情多

不獨人間地亦偏長隄碧色自年年山中只是芒鞋侶
莫更風流說翠鈿

垂楊罩水漸抽芽恰稱裊腰一道斜望到平蕪將盡處
無端我獨感天涯

一帶芳旌接遠坳重重又翬鷺汀何如萬里黃沙外
僅見明妃冢上青

浮蹤此日幸鄉關彷彿支硎鄧尉間約賦新詩存藁本
風光記取望科山

山中雜詩三首

螺鬟何窈窕曉霧遮其容如見李夫人深坐綃帳中又
若騰駿馬蹴踏迷風驟眞面自可尋母畏羣陰攻天光
夙變幻頃刻朝暎紅目翳亦豁然了了金芙蓉

西岡宛而曲東岡平且高白雲常往還相顧不敢驕世
人卑視之終莫傷岩巖況有竹樹森清風被林臯昔年

小齊齋詩續藁

卷一

四

頗荒蕨頓誅三重茅欲酌酒一尊以賀茲邱遭
兒寬昔帶經近與田舍依吁嗟市鬪子弄墨爭幾希我
本識字農喜課桑葉肥閒厯阡陌界畫如僧衣吟哦
適其天白鳥時自飛夕陽剛下嶺牛背馱人歸

揖堯軒偶題

嵐霏淨絕滌煩襟不厭閒居託此岑畫境盡刻金粉氣
詩人原抱水雲心靜中日影酣三逕空外濤聲盪一林
來往新巢雙燕子浩歌遇爾或知音

浣霞閣對月

深宵一碧入寥天獨倚南楹思悄然水月空明心是佛

山林供養境如仙漫期對影邀杯勺終負隨光讀簡編
清況略酬行腳債更應霞彩待池蓮

百花生日作二首

山堂約買玉壺春特爲羣芳慶合辰眼底萼蕃皆此物
胸中胞與定何人嫣紅姹紫咳名識擁土澆泉努力親
三五夜光剛應候可知明月是前身

惹惹喜氣溢閭門不息眞機自古存松竹老猶忘輩行
燕鶯多並當兒孫靈胎百尺旃能護浩劫三生石共論
周甲我今重託始恰將偕爾固仙根

至培風閣松竹軒兩館看玉蘭成二律

小萬齋詩續藁

卷一

五

亭亭玉樹皎臨風關外軒前勢並崇淨域平分君作友
喬柯半老我成翁原知品概尤耽潔縱處塵埃不受蒙
怪道辛夷一枝筆摘華枉費傅脂紅

經春別爾若萍浮得值花時便減愁尋到雲霄千朵放
移來拱把卅年周唐昌美種同虬幹宋代遺香記虎邱
虎邱玉蘭最是昨宵乘月賞翩然如向雪宮遊
爲宋時物

家雲峯州倅招同人賞花率賦

前者催花吾未與今者看花吾忽遇名葩日日能娛人
但願良期莫虛度況逢節已花朝過百花競發山之阿
淡妝濃抹各異態小園疑占春情多玉蘭三株杏雙本

牆外高枝窺隱隱，猶存碩果凌波仙。轉以開邊飽含蘊，
水仙俱凋謝家紅紅白白跌萼銜垂楊，綠亦紛相參是
樓山所著獨茂

時烟景藹如畫，蒸出絲雨方清酣。東皇護惜殊有力，特
勅飛廉屏聲息，須臾薄冷釀微晴。更顯嬌嬈好顏色，君

不見金陵牡丹吳地梅，尋芳曾歷他鄉來。粉榆風物倍
堪戀，花天端合邀朋儕。雲峯喜事駢筵設，網薦琴高荀

初掘希品有琴魚坐中我獨飄飄霜髯，聊借歡場振衰竭。
琴荀爲最早塵世悠悠當問誰，對花不飲真成癡。爲君破戒傾一卮，

余先以目疾止酒者屢句縱輪李白生花筆，還效劉伶頌酒辭。
山中卽事復得三首

小萬卷齋詩續葉 卷一

六

奇石壓雲雲出罅，雲氣石光相激射。人家爨烟都上天，

攪雜不分雲與化。須臾雲亘山之腰，磊磊如石成嵯嶮。
石中吐縷猶未改，眞欲鋪空作雲海。

喬松攬霄竹蟠隴，竹影清疎松影重。長風時時天際來，
暖翠山光盡浮動。斜陽半薰隄上花，勢與松竹相交加。

何年古冢花所被，卻訝泉臺得生氣。
人聲不囂鳥聲雅，雅澗水暗聲清共瀉。桑條短短痕未抽，

早有鳴鳩出其下。驚雷逆筍如排簪，山中物亦知春深。
兒童入林松鼠竄，屋角竹雞猶自喚。

補和家質園學博賞玉蘭詩六首

獨立東風二月天，迎春暑號得春妍。偏從豔冶叢中出，
不似梅花早斷緣。

溶溶月色照初開，密蔭分將上石臺。高處別饒清雋氣，
此身疑自廣寒來。

幾個修篁共倚時，天然視出好丰姿。就中雅意何人會，
惟有禁寒翠袖知。旁有竹林

羣花破蕾後先違，只此齊舒萬蕊肥。畢竟闕藏元氣在，
深防風雨妬芳菲。

愛淡何心更愛濃，描頭枉自罄形容。蕭森直幹猶堪仰，
但作嬌枝負阿儂。

小萬卷齋詩續葉 卷一

七

檐前急欲配雙林，幾度滋芝氣已蘇。先屢補一本皆待
梓今君親植之

得長成如此樹，他年容我補題無。
同人邀至烏寒看桃花作

紅雲飄撇半天墮，遠燭陸渾山上火。隔鳩訝聽歌天天，
始覺花光四圍裹。沿途幾樹參差開，策杖歷轉坡盤迴。

靚飾麗姝忽招手，一棹闌入仙源來。巖邊已有嘉客到，
彷彿漁郎作先導。屏軀最後苦登疲，早惹芳姿默含笑。

鋪茵未定頻摩挲，任各選地當繁柯。孰分主黨孰賓黨，
人數欲與花爭多。同集者幾三十
人他客尚不與酒兵縱橫競浮白，羣

得樵童睨旁席。澹陰幸若筵幕張，兼爲羣花養精魄。問

花識我踰三年衰健可否如從前或者傾壺竟露醉醅
 顏稍駐青春妍君不見曩昔茲區頗荒陋騷人疊詠名
 初就居然氣色增川原似卸綈袍被文繡又不見邑西
 郭外稱花叢千畝勝景琴溪同水西桃花最多與琴溪
 之竹俱為邑中勝處近
 減無端萌枿遇摧折漸致寥落姬姜容世間萬事判消
 長良植森森果誰賞元都觀裏倘新栽莫使蒼苑占靈
 壤吾儕卽境耽耽林莽蹶躄下嶺迎斜暉花情回首尚生
 戀艷爾餘馥粘裳衣

胡墨莊玉銚由烏寨看花枉顧來青書屋遂并約家西
 浦樸園質園共集作歌志快

小萬卷齋詩續彙

卷一

八

前年君輩來涼秋皓月無纖埃今年君輩來陽春煦暉
 方花開秋月春花等閒耳藉微雨度劉郎才經過路恰
 由烏寨喜我先遊頗稱快皇琴曲奏誰共聽合有新篇
 出驚邁此中軒館花亦繁碧桃敷萼兼幽蘭海棠雖穉
 小紅豔尤可觀况復檻外多青山山靈似爲好友呈歡
 顏當筵吸納盡清氣只在嵐霏之側林芳聞吾家大令
 殊矯矯西浦久別重逢怪蒼老通守與廣文質結交皆
 已早苟陳會聚相傾倒追思詎若少年場遺爾閒愁定
 如掃人生抑塞將奚爲苟履坦道忘嗽噦鯢鵬搏風腐
 鼠嚇境地豈待爭高卑翛然拔俗聞閑論一片光明洞

方寸倚磴攀條睨不禁天姿本自名銷恨離坐試向岡
 隄邊短柯歷數幾盈千惟適性者全其天訪尋復訂他
 日緣願偕諸君歲歲浮航奇懷何磊落麗景何芊綿
 色空空色絕縈繫端欲置身縹緲飛雲巔

三月十日宿琴溪去歲亦是時經此

爲結琴高兩度緣春風又著祖生鞭握蘭節過追修禊
 題竹人來喜擊鮮是日食
鮮琴魚赤鯉迢遙空望古青螺縹緲
 果成仙衰容頗愧逢迎熟謾道今年勝去年

曉行遇微雨

曙景遠迷濛濃雲一色同路頽愁積水衣溼慎防風原

小萬卷齋詩續彙

卷一

九

隲氣交靄煥寒時適融四山新翠滴攪入杜鵑紅
 過帽湖相傳前宣州刺史張公救水患抱萬民冊自沈
 至此見其帽因得名焉

一郡免沈淪梓將殉此身陽侯雖肆虐刺史竟成神負
 版爭元宰浮冠慟庶民拯災如是急斯世更何人

舟中偶成

森森水痕綠韶光深幾時間花招蛺蝶古木幻夔螭踏
 野人初滿遼鄉客有思北風何太劇難得片帆馳
 卽事

柳條與菱葉隨處得春多向暖雀爭樹含嬉鳧泛波天

陰頻變易地僻少經過卻見攜筐者村蠶問若何

途中遭覆舟之厄寄里門諸子五首

無端險作水仙王屨窟旁穿幸未傷岸上老農迎我笑

霜髯如許為誰忙

移舟事定轉驚魂細數平生印爪痕何地可紓臨谷懼

眼前夷壑即龍門

安危境遇總天緣只合回頭自省愆此豈章惇能構患

從來雅度服忠宣

新吟發響若寒蛩敝帚隨身悵滅蹤深愧瀧岡文字好

也煩攫取到蛟龍近詩三卷
漂失無存

卷一

十

光陰肯便付泡漚寄慰妻孥并舊儔眠食依然無恙在

預期餞賞菊花秋

補作人日五柳園六九消寒會分韻得草字

七九已將及六九猶未了獻歲條人日春光勿草草良

會符令辰羣聚社中老曼卿首開席家瓮足清醪快意

看園梅繁枝媚晴吳無端隕張星同社張詩塘
前數日作古嘆逝情

忽惱人生貴當境省識寸陰寶去年亦此時吾與麀蠶

藁今朝失相值隔越雲山表坐上煩諸公殷勤繫襟抱

緬惟昔常侍緘句寄遠道朋簪誼難忘敢戀故鄉好火

急來款門滿壁燦華藻幸寬後至罰援筆補詩藁

社友前於試鐙日集潘理齋農部世瑛宅消寒以試鐙

風裏月將圓分韻時適有七人余既不與遂無韻可

分而棟華得圓字詩中猥及余因次其韻

風光共賞試鐙天正是鐙前又月前拄杖獨扶船背健

謂榕風光吟毫新染鼠鬚圓傳觴雅合符梅社席間行
數梅令供座

繁香出蕙田庭多蘭蕙
潘詩及之來日更毋求蘭卜君詩有感
升沈故云踏

歌聲自喜年年

補作二月五日彭葦間太守招同人汲雅山館為消寒

末集分韻得洲字二首

垂楊影欲入高樓九九消寒已到頭暖律調風乘勝集

卷一

十一

清標汲雅契名流室如燕睇頻遷徙君質星以居
屢易其地人與

鶯歌互唱酬此後恰期三月市觥船移泛向河洲蘇城
酒船

重五始盛此適
五日故預及之

春來我尚滯林邱未獲金樽共拍浮花市時迎寒食近

草堂會續曲江游筵中杏粥紅開金戶外蘋波綠上洲

卻羨武陵賢太守桃源偏在故鄉求

補作吳棟華池上草堂話雨分韻得養字

春草生池塘經雨即增長濛濛幾片雲倍勝晴天養釀

陰已連夕檐溜忽盈丈喜劇延陵吳約客具醅盎紛然

款戶至屢脫凡五緇列坐堂皇中鬚眉盡疎爽斯時笑

談洽快嚼到脞齋走雖缺追陪清話固可想波湧通漕渠膏沃袞陸壤亢陽得靈澍施澤抑何廣羣頌泰階平餘潤及吾黨玉壺合斟酌欣共茅屋賞杏花賣街頭小樓此聽響頗覺林下風免逐塵域攘念君甫踰艾泉石豈終享樛散母余侔甘作蓑笠像假還滿期眉行篋宜北上他年憶巴山使我更神往

爲陶雲汀題虞山望海圖

我生未觀海胸次徒自豪長空冥冥發奇思或者遠逐鯤鵬翱翔瀆會訪君竊欲陪遊遨前期告祭失時謁擊楫那可追旌旄雖然扁舟泊烟渚夜夢亦覺天風號側

小萬卷齋詩續彙

卷一

十一

聞虞山近百里溟渤只在山之椒絆羈塵事苦難到浮芥終日仍堂坳君忽滅從獨親往不妨躡屐升岩巽劍門吾谷厯幾遍唯壁懸瀑珍珠跳其餘幽勝各異狀蒐羅奚暇爭纖毫望海有墩且延佇拾級滄粟層樓高是時壯志橫九臯混茫若駕靈霄潮島嶼錯盤互帆檣紛動搖但見馮夷出復沒隱隱金支翠旗歸次寥昨歲艘幢運糧處凭闌指點無歧淆乃知雄才似海羣流包形勢所繫一分周遭曠覽豈惟豁襟臆三吳興利關農郊江旣濬黃浦港還開白茆畚鍤待具心先勞上溯希文下逮海忠介舊績藉復長沙陶何術宣洩尾閭暢淤

土母致常粘膠況今颯颯靜謐鯨鮓逃赴功應弗憂煩騷殫精籌議首屢搔眼底清景殊超超幸得畫師刻意窮摹描想當凌絕頂丹嶂都相朝蓬萊瀛洲方丈疑非遙披圖足使我神王恍聽鏗鉤震蕩紙上生波濤

爲陳芝楣觀察

鑿題棠芝圖六首并序

觀察爲秦芝軒尚書之婿尚書於乾隆辛巳入翰林逮辛丑弟易堂學士繼之兩歲中芝皆生其宅因名軒曰瑞芝尚書即以署號并徵詩成帙後觀察在甥館嘉慶己卯其海棠樹上芝復生焉踰年觀察及第

小萬卷齋詩續彙

卷十

十一

瑞草鍾靈氣吐芬神仙品格藉爲羣安陽往事今應再五色芝如五色雲

承明接跡廿年中杏苑探花望更崇嘉兆恰符三秀號玉昆金友館甥同

記取當時下鏡臺呈祥兩卉並舒芳高燒燭照紅妝豔稱爾騰龍翥鳳材

三元榜揭歲庚辰競識聯魁許與陳襄校我曾先夢感遇君欣又話前因

君登第之歲余與分校得許慎生卷以夢兆決其當爲魁甲後果然

豈獨清華著塔鄉先塋識驗早明彰聞君自喬松倘叶三公吉定見參成茁棟梁

芝軒號繼署芝楣繪得新圖續舊詩他日婦翁名位埒不妨衣衾復傳師

題韓襄毅公賜遊西苑記墨蹟爲柁舫司寇

豈是芻蕘雉兔偷閒觀面沼許諸臣恩霑湛露借歡候

數叶恆星盍戩人本二十九人內林聰以病未與紀冊千言徵遇合行

軍兩粵展經綸宗風慨想遺文在末路英雄惜未伸

和雲汀中丞釋奠震川書院詩并序

明歸震川先生由崑山遷居嘉定之安亭鎮曾讀書

菩提寺雲汀因創建震川書院於寺左率士紳釋奠

有詩紀事又訪得先生後嗣僅存十世孫一人曰玉

小萬卷齋詩續彙 卷一

四

銘咨部使主其祀并置田百餘畝贍之近已婚娶誠

表章先賢善舉也後事詩中未及余乃補述焉

菩提古遺寺僻在荒江東竹樹映澄波何人此潛蹤倚

嗟歸太僕夙荷瀆氣鍾著述緬前軌綽有龍門風移居

向安亭近聽閣黎鐘邈焉甘澹泊讀書於其中遂致芭

菜徒問字皆景從時方喜標榜七子詞壇雄聲譽遍寰

海陰懾誰能攻先生獨掉頭直斥爲妄庸言出或競譁

大呼昭羣聳弁州究膺服初異後則同作讚擬韓歐仰

止高山崇當夫蒞政治擊斷微露鋒肯懷婞嬝慚經濟

原羅胸卽如論水利首謀開吳淞迢迢數百年曩跡得

折衷君詩乃知素所蘊非獨文章功心切奉辦香實惟

長沙公創構倚精舍巍然講堂宮落成薦蕪繁儀肅親

鞠躬聞者倘興起共求德符充粹詣稱師儒食報故不

豐待詔子慙下壽賢孫昌世困飄蓬倏忽歷滄桑野服

推元恭莊竭來竟寥閱訪尋及莊農十世存雲笈幸未

墜厥宗西華悲葛帔瑟縮寒號蟲急爲薰沐加奏乞

天恩隆禮祀賴茲守繩武慎勿慵給以負郭田春秋足

虔供餘可歲收贍夕殮與朝饗并使家室完衍彼詵詵

螽是舉誠微嘉學子咸動容雖殊博士立表式義正通

一髮引千鈞傳之無終窮

小萬卷齋詩續彙 卷一

五

爲王香湖題前後兩夢圖并序

嘉慶己卯香湖入都宿臨城驛夢人授以蓮植額鐫

林山聳翠四字中塑觀音像善才龍女侍焉瞥現蒼

松古柏層巒紺宇大士端居蓮座殿階下則大海茫

茫聞誦佛號聲似一百八人君將闌入適人馬喧騰

遂驚寤俄復夢高臺連雲振衣瞻謁大士與地藏佛

同結跏趺傍戴烏紗者六七坐嗒經大士謂君來酬

願須浴乃身小沙彌引至側廂甫解衣而僕從大聲

促登車矣君念一時兩夢殊可異作是圖云

前夢復後夢後因卽前因般若臺端兩番遇補陀妙相

眞非眞君言昔宿臨城道夜半曹騰旅魂繞蓮榭手授
疑有神中現金身一莖草林山聳翠額懸書芥子能藏
靈鷲小俄焉古柏鬱茂喬松蟠琳宮貝闕成仙寰崇階
欲上橫石闌下視大海何瀟漫魚鼈出沒掀波濶閨宣
梵音人百八我亦攬入親梅檀勝境將窮情未足誰知
夢覺重相續善才龍女侍依然還乞九華庵主福宰官
幾輩歛烏紗駢坐高軒捧經讀夙願許我酬別室催我
浴凡軀俗垢難除湔鐸響驚聞起呼僕升車細向朋儕
商此景似不同尋常或者果被慈燈光余獨慨塵世泡
幻如滄溟但須道岸回頭登持躬清淨絕緇染莊嚴樓

小萬卷齋詩續集

卷一

七

閣空層層否則朝簪自尊寵胡借苦行毘盧僧眼前說
法悟微指占夢莫訊他時徵由來佞佛吾無意慧業生
天孰先致渡迷寶筏藉茲圖欣爲留題紀其事
爲友人題舉杯邀明月圖卽用太白詩韻

清酒我所耽明月我所親天上同此月疑獨照酒人邀
之欲相語豈卽爲前身中有慷慨懷高論垂千春坐久
影不離飲久神不亂蕭然託杯勺世事盡雲散盡手得
君心秋光濯江漢

李烈婦詩 并序

烈婦魏氏余同年西園明府來田之女也歸前太平

令李公炳彥子翔墀已育男矣無何李公卒氏偕夫
侍姑返上都踰歲兒夫並殞遂經殉焉

魏氏女李氏婦朝夕衙齋依恃姑與舅舅云徂姑寡偶
終相其夫奉其母解去晉水還燕山燕山舊里餘數椽
夫也有兒姑也有孫辛苦爲靈萱願夫衫鳳兒祥鸞解
無端鵲鳥庭中集皎皎青天飛霹靂催人鬼伯何太急
嬌兒纔亡夫又及椎胸血淚難成泣解傾箱篋備校衿
誓將從之北邙之陰北邙樹合榭冤禽痛絕呼藁砧弗
貳知妾心解妾心既堅妾命促逢此鞠凶妾所獨三尺
繩兩頭束猶冀窮泉緣可續老姑侍養煩阿叔解吁嗟

小萬卷齋詩續集

卷一

七

乎懷清臺傍黃金臺黃金臺已灰懷清臺不頽魂兮歸
來屋角生寒梅幽香上積冰霜解
題常熟陳梅坡上舍耀七峯振秀圖蓋爲福山將建
塔其上并置鐙以利行舟而作二首

狼山遠接福山陘天矯層巒七點青分出范茅七峯內
二山名
奇秀狀匯成江海混茫形蕙楊址蹟移香案異有玉皇殿將移置
藤紙規摹列畫屏我獨塵衷勤欲滌甘泉滿飲讀新銘
山舊無泉近始鑿得
之竹堂前輩曾爲銘

浮圖湧現入毫端阿育何年願力完地氣鍾靈宜發越
形家言塔建人情創議本艱難佛宮一炬懸巖迴商舶
則人文當盛

千帆駐港安君自存心能濟物等閒莫作臥游看

題南雅畫梅爲其甥嚴綱伯秀才合美二首

百枝不爲多一枝不爲少本南雅自題意寥寥見此心獨出風塵表

夙稱澹蕩人能寫槎枒狀開向百花頭願君爲宅相

家西浦訪余講院劇談累日贈以二律

澗別吳門已十年重來爲我獨纏綿春風茂苑乘清興

夜雨巴山話舊緣書閣篝燈借燐掌禮闈席帽夙隨肩

烟雲過眼都如夢世態滔滔重慨然

琴堂治績久蜚聲湖自東安迄石城悍里擒渠氛焰熄

小萬卷齋詩續集卷一 六

洪河築堰潰瀾平搏鵬翮斂層霄路倦鶴毛添疊雪葦

猶有繫懷鄉族事救荒宜備節宜旌擬爲族中儲穀以備荒歉并貧家節

孝不能白達者緣例彙請

竹翁舉詩社於其家之花韻庵約賦五律一首得庵字

余病不能赴勉成此詩

韻事擅江南名花萃一庵靜中生慧悟微笑似瞿曇摩

詰惜多病木樨誰共參空思蓮社酒酌向午晴酣

初歸里家雲峯贈贛蘭一盆於來青書屋邀同人謙賞

成二律示坐中諸子

解脫行滕挹酒樽新移檻外國香根妍含覺岫青鬢態

澹帶章江白練痕日至時方資長養時夏至後二日風來意亦

切温存就中墨瓣尤殊狀有六出者徵瑞庭階種毓孫

良朋美卉恰相陪喜得同心鬱塞開爲我小軒增氣色

多君空谷著丰裁騷人樹畝芬芳甚學士登瀛合選來

集者十有八人此品白應超物表紛紛紅紫漫疑猜園中繡毳

采蓮詞用西洲曲體并序

羣從舉東籬詩社來乞題時池蓮正開遂以命之詩

成頗有可觀者忍俊不禁率爲此篇白頭人尙作綺

語亦足嗤也雖然發乎情止乎義欲令知其意焉

采藍復采綠辛苦盈一掬采菱復采蓮懊儂歌一曲儂

小萬卷齋詩續集卷一 九

愛江上花涉江途路賒風波已如許况乃隔天涯天涯

勞久俟手把紅蓮蕊化作十丈船飛棹越江水水纖藕

絲重未絆郎行蹤團欒葉成鏡閣不窺花容花下見魚

戲素書煩汝寄花外宿雙鴛私祝諧風吹吹引秋風寒

颯颯羅裳單攀攀實懷袖當接君子歡歡情杳何極遠

夢闌胸臆蓮旣動相憐惹還重相憶憶子在花鄉花芳

人亦芳願花若明月母減好輝光月明照歸渡深畏行

多露妾似花亭亭縮泥那得汗

尤春樊七十壽辰寄示慚愧詞四首次韻

遂初有家風拂衣歸林泉餘溪水之曲嘯傲殊悠然安

樂營懶窩君居室名枯榻霏茶烟閣浮了無繫藉以增長年

者宿萃吳中何愧居盧前他時人景行定繼西堂賢

清資適清境得報亦云厚豈必誇腰纏錐刀權子母曩

含雞舌香薇省侍

君后近拈鼠鬚筆梅社契賓友白墮酒一樽青精飯一

甌誦到逍遙遊忘機若莊叟

善會舉放生君創舉放生會月一行之應者甚眾慈悲常自矢鄉閭化其

德卓行頌曾史傾蓋幸我交纓濯滄浪水幽人數還往

坦道貞素履春秋風日佳已足兼四美倚檻招閒雲詩

情澹如此

小萬齋詩續集 卷一

三

篋中有縑緗百城差足驕階下有芝蘭行比珠樹高吳

蒼福無妄仁壽理自操非獨貴一時應待千秋遙雅懷

更超俗萊舞除煩騷延月舫正開新詠羅詞曹

家異軒秀才廷樞自吳中歸得千葉並蒂蓮種分植於

松竹軒來青書屋今俱盛放和雲巢詩二首

剝繭抽蕉已幾層雙雙對影鏡塘激沿邊四照皆新采

中問有耐久三句似舊朋此獨經月餘幸爾小心周瑣

碎依然高幹聳峻嶒從來造物奇難盡玉井休將十丈

於 異種吳門載得歸看花競詫此花稀房開比翼鴛鴦宿

辨翦成團蚊蝶飛霽沐雨絲遊並渥屢堆霞綺喜如圍

裁量倘供騷人製密密縫成百衲衣

來青書屋詠素心蘭二首

盤根谷口淨無塵一片檀心吐自勻如爾語言應不俗

與同晨夕果何人循咳致養聲還潔入室論交淡始真

料得靈均新浴後含芳體佩初

謝砌原同玉樹生靈犀怪底獨分明消除綺夢參空色

操撫瑤琴見性情滋晚有泉痕早洗被皋多露氣彌清

蕭疎臭味差堪白服媚姿母一例輕

補作小寒碧齋詩社以壁閒所懸王孟章柳四賢圖為

小萬齋詩續集 卷一 題各得一首

三

開元天寶間一代詩運盛摩詰最高蹈灑然存佛性遭

亂恐汗身取瘡自稱病况於凝碧池忠憤見吟詠此意

人所諫應殊廣文鄭緬懷輞川莊餘韻為獨勝

孟公避時榮惟作泉石想新什對君誦不才敢邀賞遂

從驢背歸鹿門矢長往襄陽實雄郡乃使名獨享風貌

或可圖詩品頗難像先生還自道竹露滴清響

古來號儒者文武每兼備豈意成詩家弓刀夙環衛章

公為刺史政績亦敷惠折節倍耽讀篇章澹塵累淵明

既齊稱太祝差比類惜哉新舊書無傳述其事

我思柳河東詩筆峭且潔後世衡品概功名謂趨熱誰
知黨叔文志在除閹孽不然韓吏部何致妄交結試觀
羅池神遺愛猶著烈宵小肆誣構此寃究宜雪

山中消暑卽景四首

巨夕總蕭森通幽一徑深樹光拖日腳花氣浸波心就
蔭牛歸隴忘機雀入林海棠階下白猶得伴閒吟
豈是中條谷司空亦可居澹烟涵野盡涼月瞰窗虛菊
嫩須搜壺荷繁恐礙魚放懷容我闔天地卽蓬廬
活潑真成趣雲痕又水痕松枝濃卷屋稻穗密圍門破
寂來嘉客娛衰憶稚孫尚留文字契羣從與同論

小萬卷齋詩續藁

卷一

三

急溜忽濺濺銀河落九天膏流勤望歲暑退樂開編遠
壑蟬鳴爽空廊鶴夢圓隨時出清景欲倩畫圖傳

男鼎元校字

小萬卷齋詩續藁卷二 已丑

涇 朱珩 蘭坡

新秋早起二首

乾坤清氣接凜雪有精神白露痕留地青山態近人探
花知信早落葉應時新葆此幾希意分陰慎自珍
爽籟漸颺颺開軒翠欲浮雲霞初破曙草木已知秋境
息微塵擾心驚大火流我儕期自命何處著閒愁
爲姪惇元題王石谷仿唐六如水村圖卽次卷中林鹿

泉舍人 借 詩韻

魚督癩齋誰所掌日閱扁舟湖波上烟霞供養原有人

小萬卷齋詩續藁

卷二

一

坐擁書城脫塵網茅屋三間柳陰築志和逸躅堪神往
漁兄漁弟半姻親獨覺玉山胸次朗羲皇已去數千載
夢入仙源發遐想邇者海虞爲此圖桃花庵主應同賞
清機妙遠頗殊俗造化能師究安仿畫中我欲移宅居
先約閒鷗作盟長

舍姪培元輯近人詠物詩中題賦霞者爲補二首

曉霞

東來紫氣忽重重辨色書窗渲染濃雲襯曙河鋪鞞鞞
水烘暘谷混芙蓉赤城發發先開旦藍萬塵清倍顯容
此際齊飛孤鷺去涼生露腳慎留蹤